


Ka Mopresidente  
Thomas S. Monson



# Masego a Tempele

*Tempele e tlisa lebaka mo matshelong a rona. E tlisa kagiso mo meweng ya rona- e seng kagiso e e fiwang ke batho mme ele kagiso e e solofeditsweng ke Morwa Modimo fa a ne are, “Kagiso ke a le e tlogelela, kagiso yame ke a lo efa.”*

## **Mo tempeleng re ka utlwa re le gaufi le Morena**

Ke akanya gore ga gona lefelo mo lefatsheng leo ke ikutlwang ke le gaufi thata le Morena go gaisa nngwe ya ditempele tsa Gagwe tse di boitshepo. Go kwalolola poko:

*Legodimong le bo kgakala jo bo kae?*

*Ga le kgakala.*

*Mo ditempeleng tsa Modimo,*

*Le gone fela fa re leng teng.*

Morena o ne are:

“Lo seka lwa ipeela dikhumo mo lefatsheng, ko motlhwa le ruse di dubakanyang, le ko magodu a thubang mme a utswa:

“Mme ipeeleng dikhumo tsa lona kwa legodimong, ko motlhwa kgotsa ruse di ka sekeng di dubake le ko magodung a ka sekeng a thube kana a utlwe:

“Gonne kwa dikhumo tsa lona dileng gone, ke koo dipelo tsa lona ditlwa nnang teng gape.”<sup>1</sup>

Go maloko a Kereke ya ga Jeso Keresete ya Malatsi a Bofelo, tempele ke lefelo lele boitshepo mo lefatsheng go gaisa otlhe. Ke ntlo ya Morena, e bile le jaaka mokwalo mo le kotswaneng la yone o bolela, tempele ke “boitshepo go Morena.”

## **Tempele e a re kuka e bile e re fe bosakhutlheng**

Mo tempeleng, polane e e botlhokwa ya Modimo e a rutwa. Ke mo tempeleng ko eleng gore dikgolagano tsa bosakhutlheng di dirwang gone. Tempele e a re kuka, e re fe bosakhutlheng, e eme ele pilare go botlhe go bona, mme ere supegetse kwa kgalalelong ya selesitaleng. Ke ntlo ya Modimo. Tsotlhe tseo di diragalang mo teng ga lebota ya tempele ke tse di isang godimo gape ele tsa segosi.

Tempele ke ya malwapa, nngwe ya dikhumo tseo re nang le tsone go gaisa. Morena o ne a itebagantse ka tlhamalalo fa a bua le bontate, a supa gore re na le maikarabelo a go rata banyalani barona ka dipelo tsa rona tsotlhe le go ba otlala le bana ba rona. O ne a supa gore tiro e kgolo e e digaisang e rona re le batsadi re ka e dirang e diragala mo magaeng a rona, gape magae a rona a ka nna magodimo, bogolo jang fa manyalo a rona a konoteletswe mo ntlong ya Modimo.

Mogolwane Matthew Cowley yo o tlhokafetseng, yo aneng ale mo Khoramong ya Baapasetola ba ba Lesome le bobedi, o ne nako nngwe a tlotla ka maitemogelo a gagwe a mantsiboa a matlhatso a nstatemogolo mongwe yo ka letsogo mo letsogong a neng a tshwara ngwana wa ngwana wa morwaetsana mo loetong go

ya letsatsing la matsalo — e seng ko diphologolong kgotsa dibaesekopong mme kwa mabaleng a tempele. Ka tsesetso ya motlhokomedi mabala, bobeding joo bo ne jwa tsamaela kwa dikgorong tsa tempele. O ne a gakolola gore a beye lebogo la gagwe mo le botaneng mme a itlhome mo lebating leo le legolo. Mme ka bonolo o ne a re go ene, “Gakologelwa gore gompino o kgomile tempele. Letsatsi lengwe o tlaa tsena mo teng.” Mpho ya gagwe go yo monnye ene e se dinekere kgotsa Aisi kherimi mme e le maitemogelo a beilweng le goisa bosakhutlheng — kamogelo ya ntlo ya Morena. O ne a kgoma tempele, mme tempele e ne ya mokgoma.

### **Tempele e tliša kagiso mo meweng ya rona**

Jaaka re kgoma tempele gape re rata tempele, matshelo a rona a tlaa bonegetsatsa tumelo ya rona. Jaaka re ya kwa ntlong ya Modimo, jaaka fa re gakologelwa dikgolagano tse re di dirang teng, re tlaa kgona gore re tshegetse diteko dingwe le dingwe mme re fenye dithaelo dinngwe le dingwe. Tempele e tliša lebaka mo matshelong a rona. E tliša kagiso mo meweng ya rona e seng kagiso e e fiwang ke batho mme ele kagiso e e solofeditšweng ke Morwa Modimo fa a ne are, “Kagiso ke a le e tlogelela, kagiso yame ke a lo efa: e seng jaaka fa lefatshe le efa, Ke a ele fa. Loseka lwa lesa dipelo tsa lona gore di tshwenyeye, lefa ele go boifa.”<sup>2</sup>

Gona le tumelo e kgolo gareng ga Baitshepi ba malatsi a Bofelo. Morena o re fa ditshono go bona gore a re tlaa sala morago melao ya Gagwe, gore a re tlaa sala morago mekgaphi eo Jeso wa Nasaretha a e setseng morago, gore a re tlaa rata Morena ka pelo tsa rona tsotlhe, le thata, le tlhaloganyo, le maatla, mme re rate baagisanyi ba rona jaaka re ithata.<sup>3</sup>

Ke dumela mo seaneng seo se reng “Tshepa mo Moreneng ka pelo ya gago yotlhe; mme o se ikaege mo tlhaloganyong ya gago. Mo ditseleng tsotlhe tsa gago mo leboge, mme o tlaa kaela metsamao ya gago.”<sup>4</sup>

Jalo go ntse go ntse jalo; jalo go tlaa nna jalo. Fa re diragatsa tiro ya rona mme re tshepe mo Moreneng, re tlaa tlatsa ditempele tsa Gagwe, e seng fela re dira ditlhome tsa rona fela, mme gape re na le tshono ya go dira tiro ya ba bangwe. Re tlaa khubama mo dialetareng tse di boitshepo go nna baemedi mo dikonotelelong

tseo di kopanyang banyadiwa ba borre le bomme le bana ba bone go isa bosakhutlheng. Barwa le barwaetsana bao ba itekanetseng semoweng bao ba lekanang ka dingwaga tse 12 ba ka nna baemedi go bao ba ba suleng ba sena masego a kolobetso. Seo e tlaa bo ele keletso ya Rraarona yo o kwa Legodimong go nna le wena.

### **Kgakgamatso e ne ya direga**

Dingwaga tse ntsi tse di fitileng, mophathiriaka yo o boikokobetso wa tumelo, Mokaulengwe Percy K. Fetzer, o ne a bidiwa gore a tle fe masego a bophathiriaka go maloko a Kereke ao a neng a tshela fa morago ga Lesire la Tshipi.

Mokaulengwe Fetzer o ne a ya mo teng ga lefatshe la Poland ka malatsi ao a a lefifi. Melelwane e ne e tswetswe, mme gone go sena beng gae bao ba ba neng ba letlelelwa go tswa. Mokaulengwe Fetzer o ne a kopana le Baitshepi ba Majeremane bao baneng ba tswaletswe koo fa melelwane e ne e segiwa morago ga Ntwa ya Lefatshe ya Bobedi mme lefatshe leo baneng ba nna mogolone ene ya nna Poland.

Moeteledipele gareng ga Baitshepi botlhe ba Majeremane e ne ele Mokaulengwe Eric P. Konietz, yo a neng a tshela koo le mogatse le bana ba gagwe. Mokaulengwe Fetzer o ne a fa Bakaulengwe ba ga bo Konietz le bana ba bone ba ba golwane masego a phathiriaka.

E ne yare Mokaulengwe Fetzer a boela ko United States, o ne a mpitsa mme a botsa gore a ka seke a nketela. E ne yare fa a ntse mo ofising yame, o ne a simolola go lela. O ne are, “Mokaulengwe Monson, e ne ya re ke baya diatla tsame mogodimo ga ditlhogo tsa maloko a lelwapa la ga Konietz, Kene ka ba solofetsa ditsholofetso tseo dika sekeng di diragale. Ke solofeditse Bakaulengwe baa bo Konietz gore ba tlaa kgona go boela kwa gagabo kwa Jeremane, le gore ga ba kitla ba tshwarwa ke tshwetso ya lekgotlana la mafatshe ao a fentseng le gore batlaa konotelelwa mmogo ele lelwapa mo ntlong ya Morena. Ke solofeditse morwaabo gore o tlaa swetsa mmishene, e bile Ke solofeditse morwaetsana wa bone gore o tlaa nyalwa mo tempeleng ya Modimo. Nna le wena re a itse gore ka lebaka la melelwane eo e e tswetsweng, ga ba kake ba kgona go amogela tiragalo tseo tsa masego ao. Ke dirileng?”

Ke ne kare, “Mokaulengwe Fetzer, Ke go itse tota mo eleng gore ke itse fa o dirile sone seo Rraetsho yo o kwa Legodimong a neng a batla gore o se dire.” Bobeding jwa rona re ne ra khubama go bapa le tafole mme ra tshololela dipelo tsa rona go Rraetsho yo o kwa Legodimong, re supa fa ditsholofetso di filwe go lelwapa leo le tlhwaafetseng mo go tsa tempele ya Modimo le mangwe masego ao ka jaanong ba sa a boneng. Ene ka bonosi Ke ene a ka tlišang kgakgamatso eo reneng re e tlhoka.

Kgakgamatso e ne ya direga. Tumulano e ne ya bewa monwana gareng ga baeteledipele ba goromente wa Poland le baeteledipele ba Phatlhalatsa ya Feterale ya Jeremane, e letlelela banni ba Jeremane bao baneng ba kganeletswe mo kgaolong eo gore ba ye kwa Jeremane o Bophirima. Bakaulengwe ba boorra Konietz le bana ba bone bane ba ya Jeremane wa Bophirima, mme mokaulengwe Konietz o ne a nna bishopo wa wate ye baneng ba tshela mo go yone.

Lelwapa lotlhe la bo Konietz lene la ya kwa tempeleng e e boitshepo ko Switzerland. Mme kemang yo eneng ele mopresidente ya a ileng a ba amogela ka sutu e tshweu ka mabogo a a bulegileng? E ne e se ope fa e se Percy Fetzer — mophathiriaka yo a ba fileng tsholofetso eo. Jaanong, mo bokgoning jwa gagwe ele mopresidente wa Tempele ya Bern Switzerland, o ne a ba aogela mo ntlong ya Morena, go diragatsa tsholofetso eo, mme a konotelela mogatse wa monna le mosadi gotlhe le bana ba bone go batsadi ba bone.

Morwaetsana yo mmotlana o ne kgabagare a nyalwa mo ntlong ya Morena. Morwa yo mmotlana o ne a amogela pitso mme a diragatsa mmishene ka botlalo.

### **“Retlaa le bona kwa tempeleng!”**

Go bangwe ba rona, loeto go ya tempeleng ke dikgato tse dinnye fela. Mogo ba bangwe, ke mawatle go kgabaganya le dimmaele go ya pele ga ba ka tsena mo tempeleng ya Modimo.

Dingwaganyana tse di fitileng, pele ga pheleletso ya tempele mo Aferika Borwa, ke sa ntse ke tseneletse konferense ya kgaolo mo go seo seneng se bidiwa Salisbury, Rhodesia, Ke ne ka kopana le mopresidente wa kgaolo, Reginald J. Nield. Ene le mogatse le barwaetsana ba gagwe bao ba ba ntle ba ne ba kopana le nna jaaka fa

ke ne ke tsena mo chapeleng. Bane ba ntlhalosetsa gore ba ntse ba beeletsa ditsompelo tsa bone le gore ba ipaakanyetsa letsatsi leo ba ka sepelelang kwa t empeleng ya Morena. Mme, jang, tempele e ne ele kgakala thata.

Kwa pheletsong ya bokopano, barwaetsane ba bantle bao ba mpotsa dipotso kaga tempele: “Tempele e ntse jang? Gotlhe mo re go boneng ke setshwantsho.” “Retlaa ikutlwa jang fa re tsena mo tempeleng?” “Retlaa gakologelwa eng thata?” Go isa kwa aourenge Ke ne ka nna le tshono ya go buisanya le basetsana ba bane ka ga ntlo ya Morena. E ne yare fa ke ya kwa boemelong fofane, ba ne ba ntsholeletsa mabogo, mme mosetsana yo mmotlana thata o ne are, “Re tlaa go bona kwa tempeleng!”

Ngwaga morago ga moo Ke ne ka nna le tshono ya go dumedisela lelwapa la ga Nield mo Tempeleng ya Salt Lake. Mo kamoreng e e tshisibetseng ya konotelelo Ke ne ka nna le tshono ya go kopanya goisa bosa khutlheng, le ga nako, Bakaulenge boorra Nield. Mabati a ne jaanong a butswa, mme barwaetsana bao ba bantle, mongwe le mongwe wa bone a apere bosweu thwaa, a tsena mo kamoreng. Bane ba atlela mmabo, gotswen foo rrabo. Dikeledi dine dile mo matlhong a bone, mme malebogo a le mo dipelong tsa bone. Re ne rele gaufi le legodimo. Ka bontle mongwe le mongwe o ne a ka re, Jaanong re lelwapa la bosakhutlheng.”

Se ke masego a a kgatlhisang a a emetseg bao batlang kwa tempeleng. A mongwe le mongwe wa rona a tsele ka boitekanelo, ka matsogo a sekono le dipelo tse di tsweu, gore tempele e kgome matshelo a rona le a malwapa a rona.

Legodimong le bo kgakala jo bo kae? Ke fa bopaki gore mo tempeleng tse diboitshepo ga le kgakala gotlhelele — gonne ke gone mo mafelong a kwa legodimo le kopanang le lefatshe mme Rraetsho yo o kwa Legodimong o fa bana ba Gagwe masego a a gaisang.

#### **DINTLHA**

1. Mathaio 6:19–21.
2. John 14:6.
3. Bona Matthew 22:37–40.
4. Proverbs 3:5–6.

© 2010 ka Intellectual Reserve, Inc. Tetla tsothe di beilwe. E gatisitswe mo USA Tetla ya Sekgoa: 6/09. Tetla ya Thanolo: 6/09. Thanolo ya Molaetsa wa *First Presidency Message*, October 2010. Tswana. 09370 763

**Mopresidente Boyd K. Packer,**  
Mopresidente wa Khoramo ya  
Baaposetole ba ba Lesome le Bobedi.



# Tempele e Boitshepo

*Mo tempeleng, maloko a Kereke ao a ipaakantseng a ka tsaya karolo mo dikgolaganong tseo di isang bosakhutlheng le go feta ka pholoso tseo di senotsweng mo bathong.*

## **Mo tempeleng reka tsaya karolo mo dikgolaganong tseo di isang bosakhutlheng le go feta ka pholoso**

Go na le mabaka a mantsi ao mongwe a ka batlang go tla tempeleng ka one. Le tota tebego ya yone ka kwa ntle e fa lesedi la mabaka ao a boteng a semowa. Seo se supagala thata ka mabotana a a kwa teng. Mogodimo ga mabati a tempele go bonagala kgakololo “Boitshepo go Morena.” Fa o tsena tempeleng nngwe le nngwe e e tshwailweng, o mo ntlong ya Morena.

Mo tempeleng, maloko a Kereke ao a ipaakantseng a ka tsaya karolo mo dikgolaganong tseo di isang bosakhutlheng le go feta ka pholoso tseo di senotsweng mo bathong. Koo, mo moletlong o o boitshepo, motho o ka tlhapisiwa a otlwe e bile a fiwe ditaelo le go thatafadiwa a konotelwe. Mme fa re sena gonna re amogela masego a mmogo, re ka nna ra etelelepele bao ba ba setseng ba tlhokafetse ba sena tshono tsa go nna jalo. Mo tempeleng ditlhommo tse di boitshepo di diragadiwa mo go bao ba ba tshelang le bao ba ba suleng ka go tshwana.

## **Ditlhommo le mekete ya tempele di mo tlhofo di dintle gape di boitshepo**

Go bala mafoko a tumelo ka kelotlhoko go senola gore Morena o ne a sa bolelelele dilo tsotlhe go mongwe le mongwe. Go ne gona le ditsetlana tse di tlhomilweng tse di neng ele tsa pele mo go fiweng mafoko a a boitshepo ao. Mekete ya tempele ke nngwe ya tsone.

Ga renke re buisana ditlhommo tsa tempele kwantle ga tempele. Ga go ise goke go dirwe gore kitso ka mekete ya tempele enne fela ya batho ba ba potlana ba ba tlhophilweng, bao batla diragatsang gore ba bangwe ba seke ba ithute ka tsone. Ga go a nna yalo gotlhelele. Ka thata e kgolo re rotloetsa motho mongwe le mongwe go kgona le go ipaakanyetsa maitemogelo a tempele. Bao ba ba setseng ba tswa tempeleng ba rutilwe seo se se maleba: Letsatsi lengwe motho mongwe le mongwe yo o tshelang, yo o kileng a tshela o tlaa nna le tshono ya go utlwa efangele le go e a mogela kgotsa a gana se tempele e se fang. Fa tshono e e ganwa, kgano eo e tshwanetse gore e be ele kafa letlhakoreng la motho yoo.

Ditlhommo le mekete ya tempele di motlhofo. Di dintle. Di boitshepo. Di bewa ele le sephiri e seng gongwe di fiwe bao ba ba sa di ipaakanyetsa. Go tswa pelo ga se go ipaakanya. Dikeletso tse di tseneletseng ka bonosi ga se go ipaakanya. Ipaakanyetso ya ditlhommo e akaretsa dikgato tsa pele: tumelo, boikwatlhaelo dibe, kolobetso, tlhomamiso, boitekanelo (semoweng), le kgolo le seriti se se lekaneng ya ene yo o tlang a laleditswe jaaka molalediwa mo ntlong ya Morena.

## **Bao ba ba itekanetseng (semoweng) ba ka tsena mo tempeleng**

Botlhe bao ba ba itekanetseng ka ditsela tsotlhe ba ka tsena mo tempeleng, koo gore ba amogelwe

mo ditlhomong le kobamelong tse di boitshepo.

Fa o na le maikutlo mangwe a tlhwatlhwa a masego a tempele le a boitshepo jwa ditlhomong tseo di diragadiwang mo tempeleng, o ka seke o batle go botsolotsa seemo se se kwa godimo ga se se tlhomilweng ke Morena sa go tsena mo tempeleng e e boitshepo.

O tshwanetse wa nna le tseletso e e ncha go amogelwa mo tempeleng. Tseletso e e tshwanetse gore e bewe monwana ke badiredi ba Kereke baba letleletsweng. Bao fela ba ba itekanetseng (semoweng) ba tshwanetse go ya tempeleng. Mobishopo wa kgaolo ya gago, kgotsa mopresidente wa lekalana o na le maikarebelo a go go botsa ka boitekanelo (semoweng) jo bo tseletseng pele ga o fiwa ditlhomong tsa tempele. Tlhotlhomiso e ke e e botlhokwa jo bogolo, gonne ke nako ya go i tshokatsheka le motlhanka yo o tlhomilweng ke Morena mo tseleng ya botshelo jwa gago. Fa go na le sengwe se se fatlhang mo botshelong jwa gago, mobishopo wa gago o tlaa kgona go go thusa go se siamisa. Ka tsela e o ka bega kgotsa o ka thusiwa go bega boitekanelo (semoweng) go tsena mo tempeleng ka kamogelo ya Morena.

Tlhotlhomiso ya tseletso ya tempele e dirwa sephirang gareng ga bishopo le leloko la Kereke le le nang le keletso. Fana leloko le budiwa dipotso tse di batlisisang ka ga maitshwaro a botho jwa gagwe, boitekanelo (semoweng), tshephagalo ya gagwe go Kereke le badiredi ba yone. Motho o tshwanetse go supa gore o sekono mo go ikgapheng gape a tshetsa Lefoko la Tlhalefo, a duela tsa lesome, a tshela kagisong le dithuto tsa Kereke, gape a sa ikopakopanye kgotsa a utwelabotlhoko ditlhopha tseo di latlhegetsweng ke boammaaruri. Bishopo o laetswe gore sephiri mo go tshetseng mathata a le mongwe le mongwe yo o tlhotlhomisiwang ke se se botlhokwa thata.

Dikarabo tseo di letleletsweng mo dipotso tse bishopo a di botsang di tlwaelesegile go lemoga boitekanelo (semoweng) sa motho go amogela tseletso ya tempele. Fa mmatlhi a sa tshetsa melao kana gona le sengwe seo se sa felang ka ga botshelo jwa gagwe seo se tlhokang go baakanngwang, gotlaa bo go le botlhokwa go bontsha ikwatlhalelo dibe ya nnete pele ga tseletso e ka fiwa.

Morago ga bishopo a ka tshwara tlhotlhomiso eo, mopresidente wa seteiki le ene o tshwara tlhotlhomiso pele ga o ka fiwa ditlhomong tsa tempele.

## Dithuto mo tempeleng di a tshwantshanya

Pele ga o ya ko tempeleng lwantlha, kana le fa ele gantsi o ya, go ka go thusa gore o lemoge gore dithuto tsa mo ditempeleng di dirwa ka popego ya tshwantshanyo. Morena Mongwarona wa Moruti, o re file ditaello tsa Gagwe ka tsela e.

Tempele ke sekolo se segolo. Ke ntlo ya go ithuta. Mo tempeleng matlhasedi ke a a tshagediwa gore a nne a a siametseng taelo kaga mathata ao a semowa a a koteng. Mogolwane John A. Widtsoe yo o tlhokafetseng wa Khoramo ya Baaposetola ba ba Lesome le bobedi e ne ele mopresidente wa Mmadikolo o o neng a haphelile gape a itsege lefatshe ka bophara mo go tsa thuto. O ne a na le tshisimogo mo tirong ya tempele mme o ne are ka nako nngwe:

“Ditlhomong tsa tempele di akaretsa polane yotlhe ya pholoso, jaaka e rutwa gotsweng mo nakong le nako ke baeteledipele ba Kereke, mme e sedimosa mathata ao aleng thata go tlhaloganyesega. Ga go na tshokolo kgotsa tshokeletso mo go ruteng dithuto tsa tempele mo togomaanong e kgolo ya pholoso. Botlhale bogolo jo bo tletseng jwa khumiso semoweng ke nngwe ya boammaaruri jwa ditlhomong tsa tempele. Bontsi le go feta, tshokatsheko e e feletseng ya polane e e golang ya Efangele, e dira kobamelo ya tempele, nngwe ya ditsela tsa go nosetsa tlhaloganyo mabapi le popego ya Efangele” (“Temple Worship,” *Utah Genealogical and Historical Magazine*, Apr. 1921, 58).

Fa ele gore o tlaa ya tempeleng mme o gakologelwe gore thuto eo ke e e tshwantshanyang, ga o kitla o ya ka moya o o siameng mme o tswa pono ya gago e sa oketsega, oikutlwa o tlhatlhogetse, ka kitso e e oketsegileng mo go tseo eleng tsa semowa. Polane ya go ruta e siame E tlhotlheleditswe. Morena ka bo Ene, Mongwarona wa Moruti, o ne a ruta barutwana ba gagwe ka ditshwantsho — tsela nngwe ya go bapisa dilo ka tshwantshanyo tseo ka mokgwa mongwe dineng di ka nnang thata go tlhalogannngwa.

Tempele ka bo yone e nna setshwantshanyo. Fa ele gore o kile wa bona tempele bosigo, e tshubilwe dipone gotlhe, o itse gore e ka nna lefelo le le lebegang tota. Ntlo ya Morena, e tlhatshwitswe ke lesedi e emeletse mo lefifing, e nne tshwantshiso ya maatla le tlhotlheletso ya efangele ya ga Jeso Keresete e eme ele pakane mo lefatsheng le le nwelang thata mo lefifing la semowa.



Fa o sena go tsena mo tempeleng, o fetola diaparo tsa gago tsa ka kwantle mo go tse ditshweu tsa tempele. Phetolo e ya diaparo e diragala mo lefelong le go apolelwang mo go lone, ko mongwe le mongweng a fiwang loko le phatlha ya lefelo go aparela teng go le sephiri ka botlalo. Mo tempeleng keletso ya kapari e e sa fatlheng e tshagediwa ka kelo tlhoko. Jaaka fa o baya diaparo tsa gago mo lokong, o tlogela le matshwenyego a gago le difatlho koo le tsone. O gatogela go tswa mo sephiring sa lefelo le go apolelwang gone o apere bosweu, mme o ikutlwe o le mmogo le go lekalekana le bao ba ba go dikulugileng, ba apere go tshwana.

### **Lenyalo la tempele ke lone tlhomo ya bofelo mo tempeleng**

Lona bao ba le lebileng nyalo ya tempele le ka nna la batla goitse gore go ya go diragalang. Ga re boelele mafoko a nyalo ya konotelelo ya tempele kwa ntle ga tempele, mme reka tlhalosa kamore ya konotelelo gore e ntle mo seemong sa yone, e didimitse gape e sisibetse ka semowa, mme e segofaditswe ke tiro eo e diriwang gone.

Pele ga boo-babedi batla ko aletareng go konotelelwa ka tlhomo, ke tshono ya yoo eteletsengpele go oketsa, le ya boo-babedi go amogela dikgakololo. Tse ke nngwe ya dikakanyo tse boo-babedi ba ba potlana baka di utlwang ka sebaka seo.

“Gompiano ke lenyalo la gago. O hohoma maikutlo ka lenyalo la gago. Ditempele di ageletswe ele lefelo la botshabelo mo ditlhomong tse di ntseng jaana. Ga re mo lefatsheng. Dilo tsa selefatshe gadi bereke fa gape di tshwanetse gore di seka tsa tlhotlheletsa sere se dirang fa. Re dule mo lefatsheng go tsena mo tempeleng ya Morena. Seno e nna letsatsi la rona lele botlhokwa la botshelo jwa rona go feta.

“O ne wa tsholwa, wa lalediwa gotla lefatsheng ke batsadi bao ba neng ba baakanyeditse thabanakele ya mmopa go mowa wa gago gore o nne. Mongwe le mongwe wa lona o kolobeditse. Kolobetso, tlhomo ya boitshepo, ke tshwantshanyo ya go tsokotswa, tshwantshanyo ya loso le tsogo ya baswi. E rotloetsa boikwatlhao le phimolo ya dibe. Sakeramente ya Selalelo sa Morena ke shahalo ya dikgolagano tsa kolobetso, mme re tlaa kgona fa re etselela, go phimolwa dibe.

“Wena, motsei, o ne wa tlhongwa boperesiti. Lwa ntlha o ne wa fiwa Boperesiti jwa ga Arone mme o ne

wa tshwelela ka diofisi tseo- deacone, boruti, le boperesiti. Jalo letsatsi lene la tla ffa o bonwe o itekanetse (semoweng) go fiwa Boperesiti jwa ga Melekhesedeke. Boperisiti joo, boperisiti jo bogolo, bo tlhalosiwa ele boperesiti ka seemo sa Modimo, kgotsa Boperesiti jo bo Boitshepo ka fa morago ga maemo a Morwa Modimo (bona Alma 13:18; Helaman 8:18; Doctrine and Covenants 107:2–4). O filwe ofisi mo boperesiting. Jaanong o mogolwane.

“Mongwe le mongwe wa lona o filwe khumiso semoweng. Mokhumisong eo o amogetse peeletso e e nang le kgonego a bosakhutlheng. Mme mo go tsena tsotlhe, ka ntlha nngwe, e ne ele dikgato tsa paakanyetso ya go tla mo aletareng gotla go konotelelwa go mogatse wa monna le mogatse wa mosadi ka nako le bosakhutlheng. Jaanong o nna lelwapa, o gololesegile go tsaya tshwetso ya go tlhola botshelo, go nna le tshono ka kobamelo le setlhabelo go tlisa bana mo lefatsheng le go ba godisa le go ba otlha ka tshireletso ka botshelo jwa bone mo lefatsheng; go ba bona batla letsatsi lengwe, jaaka fa o tlile, go tsaya karolo mo ditlhomong tse di botshepo tsa tempele.

“O tla ka tshosologo e bile o setse o atlhotswe gore o itekanetse (semoweng). Go amogelana mo kgolaganong ya nyalo ke maikarabelo a magolo, ao a a tlišang le one masego a a sa kalweng.”

### **Maatla a a konetelelang a bofelela mo lefatsheng le ko legodimong**

Fa re ka tloganya gotlhe ditso le thuto ta tiro ya tempele, re tshwanetse go tlhaloganya gore maatla a a konetelelang ke eng. Re tshwanetse go bona, gofetyanyana ka gerata, gore ke eng dinotlolo tsa tetla tsa konotelelo maatla di le botlhokwa.

“E ne yare Jeso a tla kwa lotshitshing lwa Caesarea Philippi, o ne a botsa barutwana, are, Batho bare Nna Morwa motho ke mang? . . .

“Mme Simon peter o ne a araba, O Keresete, Morwa Modimo yo o tshelang.

“Mme Jeso o ne are go ene, O lesego, Simon Barjona: gonne nama le madi ga di a go senolela se, mme Rara yo o kwa legodimong.

“Mme kare go wena, O Petoro, mme fa godimo ga letlapa le Ke tlaa aga kereke yame; mme dikgoro tsa mokoti ga di kitle di e fenya.

“Mme Ke tlaa go fa dinotlolo tsa bogosi tsa legodimo:

mme sengwe le sengwe se o tlaa se bofelelang mo lefatsheng se tlaa bofelelwa kwa legodimong: mme sengwe le sengwe se o tlaa se bofololang mo lefatsheng setlaa bofololwa kwa legodimong” (Matthew 16:13, 16–19).

Peter o ne a ya go tshegetsatsa dinotlolo. Peter o ne a tshegetsatsa maatla a go konotelela, yone tetla eo e e nang le maatla a a bofelelang kgotsa a konotelela molefatsheng kgotsa a bofolla molefatsheng mme go tlaa nna jalo ko legodimong. Dinotlolo tseo ketsa Mopresidente wa Kereke- moporofeti, molebi, le mosenodi Maatla ao a a boitshepo a mo Kerekeng jaanong. Ga go sepe seo se tshegediwang ka boitshepo jo bogolo segopolwa ke bao ba itseng bo mosola jwa tetla e. Ga go sepe seo se tshwarwang ka bo gaufi. Go na le banna ba le palo potlana fela bao baneng ba letleletswe go tshegetsatsa maatla a mo lefatsheng ka bophara ka nako nngwe le nngwe — mo tempeleng nngwe le nngwe gona le bakaulengwe bao ba filweng maatla a go konotelela. Ga go ope yo a ka a bonang fa e se gotswa kwa go moporofeteng, molebing, le mosenoding le Mopresidente wa Kereke yaga Jeso Keresete wa Baitshepi ba Malatsi a Bofelo.

Moporofeti Joseph Smith are gantsi o ne a tle a budiwe potso e “A ga re kake ra bona pholoso re sa dira ditlhomotlomo tsena tsotlhe, jalo jalo.” Ketlaa araba, Nnyaa, e seng pholoso yotlhe. Jeso o ne are, ‘Gona le bonno jwa magasigasi montlong ya ga Rara, mme ke ya go lo baakanyetsa.’ [Bona John 14:2.] *Ntlo* fana jaaka e biditswe e ka bo e ranolotswe bogosi; mme mongwe le mongwe yo o tthatlhogisiwang kwa bonnong jwa magasigasi jo bo kwa godimo le go feta o tshwanetse gore a tshele molao wa selesetale, le molao otlhe fela” (in *History of the Church*, 6:184).

### Tempele ke motswedi wa maatla a semowa

Tempele ke legare tota la thata ya semowa sa Kereke. Re tshwanetse ra solofela gore moganetsi o tlaa itlhakan-yathakanya le rona rele Kereke le rona rele batho jaaka fa re senka go tsaya karolo mo tirong e e boitshepo e e tlhotlheleditsweng. Tiro ya tempele e tlisa kganetso e ntsi ka gore ke yone motswedi wa matla a mantshi a semowa go Baitshepi ba malatsi a Bofelo le Kereke ka kakaretso.

kwa peo letlapeng ya tshwayo ya Tempele ya Logan Utah, Mopresidente George Q. Cannon, ka nako eo ele wa Bopresidente jwa Ntsha, o ne a dira pego e:

“Letlapa lengwe le lengwe la motheo leo le beeletsweng

Tempele, le Tempele nngwe le nngwe e e feditsweng ka maemo a Morena a a senotseng ka boperesiti jwa gagwe jo bo boitshepo, e fokotsa maatla a ga Sataane mo lefatsheng, mme e oketse maatla a Modimo le Bomodimo, e sutisa magodimo ka maatla a magolo mo boemong jwa rona, e tlise ebo e bitse tlase go rona masego a Badimo a bosakhutlheng, le bao ba ba nnang kwa pele ga bone” (in “The Logan Temple,” *Millennial Star*, Nov. 12, 1877, 743).

Fa maloko a Kereke a le mo mathateng kgotsa fa ditshwetso tse di bothokwa ke re gateletse thata mo ditlhalganyong tsa rona, ke selo sa tlwaelo gore baye kwa tempeleng. Ke lefelo le le siameng go isa ditlhoko tsa rona. Mo tempeleng re ka kgona go fiwa pono ya semowa. Koo, ka sebaka sa nako eo ya tirelo ya tempele, re “kwantle ga lefasthe.”

Fa gongwe dikakanyo tsa rona di tlaa ka mathata mme gona le dilo tse dintsi tse di re hupetsang ka kelelelo ka ponyo ya leitlho mo eleng gore ga re kake ra akanya sentle le go bona sentle. Kwa tempeleng lerole la tshiro le lebege le wetse tlase, mouwane le lotobo dilebega di nyelela, mme re ka “bona” dilo tseo re neng re sa kgone go di bona pele mme re bone tsela ka mathata e reneng re sa kgone go e bona pele.

Morena o tlaa re segofatsa jaaka fa re tsena ditlhomotlomo tse di boitshepo tsa tiro ya ditempele. Masego ao ga a ne a felela fela mo ditirelong tsa rona tsa tempele. Re tlaa segofadiwa mo medirong yotlhe ya rona.

### Ditiro tsa rona mo tempeleng di re khurumetsa ka thebe le tshireletso

Ga gona tiro epe e e sireletsang mo Kerekeng go gaisa tiro ya tempele le tshekatsheko ya ditso tsa lelwapa eo e e rotloetsang. Ga gona tiro epe e e itshekisang semoweng. Ga gona tiro epe e re e dirang e e re fang maatla a mantshi. Ga go na tiro e e tlhokang mokedi o mogolo wa tshiamo.

Ditiro tsa rona mo tempeleng di re khurumetsa ka thebe le tshireletso, gotlhe ka bonosi le rele batho.

Jalo tlang tempeleng — tlang le tle go tsaya masego a lona. Ke tiro e boitshepo.

*E adimilwe go tsweng mo* Preparing to Enter the Holy Temple (booklet, 2002)

© 2010 ka Kutlwisiso e e Beilweng, Inc. Tetla tsotlhe di beilwe. E gatisitswe mo USA Tetla ya Sekgoa: 6/09. Tetla ya Thanolo: 6/09. Thanolo ya *Visiting Teaching Message*, October 2010. Tswana. 09370 763